



«ԻՆՏԵՐԱԿՏԻՎ ԿՐԹՈՒԹՅԱՆ ԶԱՐԳԱՑՈՒՄ»
ՀԻՄՆԱԴՐԱՄ



ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2022

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ	Զայնավորների հնչյունափոխության ուսուսման իմ փորձը
ԱՌԱՐԿԱ	Հայոց լեզու և գրականություն
ՀԵՂԻՆԱԿ	Ամայա Մարտիրոսյան
ՄԱՐԶ	Շիրակ
ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ	«Մարալիկի թիվ 1 միջնակարգ դպրոց» ՊՈԱԿ

Բովանդակություն

Ներածություն'.....

Հիմնական մաս.....

Ձայնավորների հնչյունափոխության աղյուսակ.....

Գրականության ցանկ.....

ՆԵՐԱԾՈՒԹՅՈՒՆ

Հնչյունափոխություն լեզվի պատմական զարգացման ընթացքում բառի հնչյունական կազմի կրած փոփոխությունն է: Հնչյունափոխությունը բառակազմության կամ ձևակազմության /բառի թեքման/ ժամանակ բառի հիմքի կազմում որևէ հնչյունի կամ հնչյունակապակցության փոփոխությունն է, անկումը կամ հավելումը: Հնչյունափոխվել կարող են ն՝ ձայնավոր, ն՝ բաղաձայն հնչյունները, ինչպես նաև երկհնչյունները: Հայերենում ամենից շատ տարածված է շեշտափոխական հնչյունափոխությունը: Հայերենում շեշտը կայուն է՝ բառի վերջին ձայնավորը: Բացառություն է կազմում «ը» ձայնավորը՝ գաղտնավանկի կամ իբրև հոդ, որը չի շեշտվում: Շեշտակիր ձայնավորը ուժեղ է հնչվում, իսկ բաղադրիչ ավելանալիս, երբ շեշտից զրկվում է, թուլանում է և ենթարկվում փոփոխությունների, վերածվում է այլ ձայնավորի, դառնում է լսվող, բայց չգրվող ը-ի, երբեմն դառնում է բաղաձայն հնչյուն /ձն՝լ – ձվակեր, պատանի՝ – պատանյա՝կ և այլն/: Կան շատ դեպքեր, երբ շեշտից զրկված ձայնավորը պահպանվում է: Նույն բառը տարբեր դիրքերում տարբեր փոփոխությունների է ենթարկվում /բարի՝ / բարեկա՛մ – բարյացակա՛մ – բարություն/:

Բիարկե, բառի շեշտակիության կամ հնչյունափոխության մասին խոսելիս նկատի պետք է ունենանք ոչ թե փոխառյալ բառերը կամ բացառություն կազմող մի շարք բառեր, այլ վերջնականակում շեշտ կրող բառերը: Շեշտի տեղափոխության հետ կապված հնչյունափոխությունը կոչվում է շեշտափոխական հնչյունափոխություն: Բացառություն է կազմում ը ձայնավորը:

Նկատում ենք, որ որոշ բառեր գործածվում են 2 ձևով՝ *էշով – իշով, բվի – բուի, Դավիթի – Դավթի* և այլն: Այս դեպքում մի շարք բառեր տարբեր իմաստներ են ձեռք բերում: Օրինակ՝

տեր – տիրություն անել՝ խնամել

տեր – տերություն՝ երկիր

Շեկ – շիկանալ՝ տաքանալուց կարմրել

Շեկ – շեկանալ՝ շիկահեր դառնալ

Կամ՝ հղանալ – հղիանալ, տնօրենություն – տնօրինել և այլն¹:

¹ Յուրի Ավետիսյան, Հ.Զաքարյան – Հնչյունաբանություն, էջ 72

ԽՆԴԻՐՆԵՐԸ ԵՎ ՆՊԱՏԱԿՆԵՐԸ

«Հնչյունափոխություն» թեման ուսուցանվում է միջնակարգ դպրոցի 5-րդ դասարանում, երբ աշակերտը ուղղախոսական և ուղղագրական շատ գիտելիքներ է ձեռք բերում: Համընթաց անցնելով ուղղագրությունը և հնչյունափոխությունը՝ սովորում են շատ բառերի ճիշտ արտասանությունը, դրանից էլ կախված՝ նաև ուղղագրությունը: Տողադարձի հետ կապված շատ խնդիրներ լուծվում են, երբ լավ է ուսուցանվում հնչյունափոխությունը՝ որտե՞ղ սղվեց ձայնավորը, որտե՞ղ դարձավ գաղտնավանկի ք: Շահում է նաև ուղղախոսությունը. ոչ թե արտասանել երկ/ը/րի, այլ երկրի, ոչ թե ընտանեական, այլ՝ ընտանեկան և այլն: Ուրեմն, մեր առջև դրված շատ նպատակներ և խնդիրներ՝ բառի ճիշտ օգտագործում, ճիշտ գրություն, ճիշտ արտասանություն, ինչու չէ, նաև բառը ճիշտ շեշտադրմամբ արտասանելը, կարելի է լուծված համարել:

Նպատակ է դրվում նաև բառապաշարի հարստացումը: Չպետք է սահմանափակվել միայն դասագրքում եղածով, այլ նոր, անծանոթ բառերի օրինակներով զարգանում է աշակերտի խոսքը, բառապաշարն է հարստանում. չէ՞ որ տրված բառերով կազմում է բարդ կամ ածանցավոր բառեր, որոնք օգտագործում է տեքստեր կազմելիս կամ շարադրություններ գրելիս:

ՀԻՄՆԱԿԱՆ ՄԱՍ

Հայերենում հնչյունափոխվում են բոլոր ձայնավորները՝ *է /բառամիջի է/, ի, ու, ը, ա, ո* /բառամիջի/: Ինչպես ասվել է, հնչյունափոխության պատճառը շեշտից գրկվելն է, երբ բառի վերջից բառի վերջից բաղադրիչներ են ավելանում՝ արմատ, ածանց, հոլովական կամ հոգնակերտ վերջավորություններ: Թերևս բացառություն է կազմում **ը** ձայնավորը, որը չի շեշտվում, բայց ենթարկվում է հնչյունափոխության: Այս համատեքստում խոսելիս պետք է նկատի ունենանք, որ որոշ դերանուններ, վերաբերականներ չեն շեշտվում վերջին վանկում /*ո՛րնէ, իհա՛րկէ, գո՛նէ* և այլն/:

Հնչյունափոխությունը տեղի է ունենում 2 ձևով՝

ա/ շեշտից գրկված ձայնավորը վերածվում է այլ հնչյունի՝ ձայնավոր կամ բաղաձայն, որը նշվում է մաթեմատիկայում օգտագործվող մեծի նշանով՝ >:

բ/ սղվում է, որը նշվում է դեպի վեր բարձրացող սլաքով՝ ^:

Մաս 1 է /ե/ ձայնավորի հնչյունափոխությունը

Մտագրոհի միջոցով փորձում եմ ուսուցանել: Գրատախտակին գրում եմ 1-2 նախադասություն, հանձնարարում եմ գտնել այդտեղ օգտագործված բառերի ուղիղ ձևը:

Օրինակ՝

ա/ Եթե աշխարհում տիրեն սերն ու համերաշխությունը, բոլոր մարդիկ երջանիկ կլինեն:

բ/ Երբ ինքնաթիռը վարյէջք կատարեց օդանավակայանում, ուղևորներն սկսեցին իջնել:

Երբեմն իմ օգնությամբ, երբեմն ինքնուրույն գտնում են այդ բառերը՝ *տիրի – տեր, իջնել – էջ:*

Հանձնարարում եմ գտնել նաև բառեր, որոնք կարող են հնչյունափոխվել: Դրանք են՝ *սեր, վայրէջք:*

Այսպիսով, տեսնում ենք, որ բառասկզբում է գրվող փակ վանկ ունեցող բառերի է-ն դառնում է **ի**:

է՛ջ – իշատե՛ր

է՛գ – իզակա՛ն

է՛ջ – իջնե՛լ

Հաջորդ կանոնը այն է, որ բառամիջի ե-ն դառնում է ի:

զե'նք – զինակի'ր

սե'ր – սիր'ել

զե'ս – զիսա'ստղ և այլն:

Դասագրքում եղածին հավելենք ևս մեկ հնչյունափոխություն, երբ փակ վանկի ե-ն կարող է սղվել: Այդ բառերից են՝

մժե'ղ – մժղո'ւկ

գոմե'ջ – գոմջաձա'գ

սվե'լ – սվլե'լ


Ավելացնում եմ նաև այն, որ շատ բառերում, շեշտից գրկվելով, հնչյունափոխություն չի լինում: Օրինակ՝

լե'ռ – լեռնայի'ն

ջե'րս – ջերմություն'ն

իւե'լք – իւելա'ցի և այլն:

Աշակերտների հետ միասին գրատախտակին գծում ենք է/ե/ ձայնավորի հնչյունափոխության գծապատկերը:



Հանձնարարում եմ համեմատել նախապես իմ գրած բառերի շարքերը:

ա/ է'ջ – իջատե'ր

բ/ շե'ն – շինակա'ն

է'գ – իգակա'ն

սե'գ – սիգավե'տ

է'ջ – իջվա'ծք

վե'րք – վիրավո'ր

գ/ սե'րս – սերմացո'ւ

դ/ գո'մեջ – գոմջո'ւկ

սե'տք – սետքակա'ն

մժե'ղ – մժղո'ւկ

արզե'լք – արզելե'լ

սվե'լ – սվլե'լ

Հանձնարարում եմ տնային աշխատանք է/ե/ ձայնավորի հնչյունափոխությանը պատկանող բառերով կազմել շարադրանք:

Հաջորդ ժամին ամրակայելու համար գրատախտակին գրում եմ բառեր, որոնցից պետք է կազմեն նոր բառեր՝ վերջնաբաղադրիչ ավելացնելով՝ *անեծք, գես, կես, քեն, դեմ, սեգ, սեգ:*

Իսկ հաջորդ վարժությանը հանձնարարում եմ իմ տված բառերի մեջ գտնել ուղիղ ձևը՝ *դիզել, գիտություն, կիզիչ, դիտել, դիմաց, հրավիրել, հանդիսավոր, պարտիզպան, միգապատ, քինախնդիր* և այլն:

Մաս 2 – **ի** ձայնավորի հնչյունափոխությունը

Նոր նյութի հաղորդումը սկսում եմ դասագրքի վրա աշխատանք կազմակերպելով: Հանձնարարում եմ Հովհաննես Շիրազի «Գարնանամուտ» բանաստեղծությունից գտնել բառեր, որոնց մեջ **ի** ձայնավորի հնչյունափոխված կամ չհնչյունափոխված ձևեր կան: Դուրս են գրվում հետևյալ բառերը. *երկինք, հոգուս, սիրտ, հոգեթով, պատանի, երկրեերկիր*: Դարձյալ մտազրոհի միջոցով դրանցով կազմում են նոր բառեր:

Օրինակ՝

երկի'նք – երկ/ը/նքի'ց /ի > ը/

երկի'նք – երկնային /ի ↑/

սի'րտ – սրտոտ, սրտային /ի > ը/

հոգի' – հոգեթո'վ /ի + ա = ե/

հոգի' – հոգյակ /ի > յ/

պատանի' – պատանեկան /ի + ա = ե/

պատանի' – պատանյա'կ /ի > յ/

երկի'ր – երկրեերկի'ր /ի ↑/

Մնացած կանոնները՝ կապված **ի** ձայնավորի հնչյունափոխության հետ, լրացնում եմ՝ դարձյալ աշակերտների մասնակցությամբ: Հանձնարարում եմ կազմել նոր բառեր տրված բառերով:

ինձ /կենդանի/ - ընձուղտ, ընձենի /ի > ը/

ինչք – ընչաքաղց, ընչասեր /ի - ը/

իդձ – ըդձալի /ի > ը/

ձիգ – ձգել /ի > ը/

ջիղ – ջղային /ի > ը/

երկիր – երկրային /ի ↑/

տիկին – տիկնիկ /ի ↑/

ծաղիկ – ծաղկափռշի /ի ↑/

Գրատախտակին գրում եմ բառեր, որոնց բաց վանկի **ի**-ն պահպանվում է՝

հղի՝ – հղիանա՛լ

բերրի՝ – բերրիություն՝ն

որդի՝ – որդիակա՛ն

կանացի՝ – կանացիություն՝ն

գյուղացի՝ – գյուղացիություն՝ն

քաղաքացի՝ – քաղաքացիություն՝ն և այլն:

Ի մի բերելով ողջ ասվածը՝ տեսնում ենք, որ **ի** ձայնավորի հնչյունափոխությունը բազմազան է, նկատում ենք, որ նույն բառը տարբեր դիրքերում տարբեր փոփոխությունների է ենթարկվում: Ամրապնդելու համար հանձնարարում եմ կատարել հետևյալ առաջադրանքը:

Առաջադրանք 1 – Տրված բառերից կազմել տարբեր բառեր այնպես, որ հնչյունափոխության տարբեր ձևեր լինեն կամ չհնչյունափոխվեն:

հոգի – հոգյակ – հոգեորդի – հոգեմա – հոգևոր

որդի – որդյակ – որդեսեր – որդիական

բարի – բարյացակամ – բարեգութ – բարիանալ

Առաջադրանք 2

Տրված բառաշարքում գտնել ածանցները, ցույց տալ տարբերությունը և գրել առանձին շարքերով՝ *տասնյակ, հոգյակ, կղզյակ, հարսնյակ, պատանյակ, որդյակ, հարյուրյակ, միամսյակ, հնդյակ, հարյուրյակ, աղավնյակ:*

Բաժանում եմ 2 խմբի և հանձնարարում առանձնացնել և գտնել **յակ** ածանցով և **ակ** ածանցով բառերը:

յակ	ակ
<i>տասնյակ</i>	<i>հոգյակ</i>
<i>հարսնյակ</i>	<i>կղզյակ</i>
<i>հարյուրյակ</i>	<i>պատանյակ</i>

միամսյակ


որդյակ

հնգյակ

աղավնյակ

Հանձնարարվում է տնային աշխատանք: Կազմել նախադասություն *բարություն, գերություն, թշնամություն, աղավնատուն, փռշոտում* բառերով և ցույց տալ հնչյունափոխությունը:

Հաջորդ դասաժամին կազմում ենք նաև **ի** ձայնավորի հնչյունափոխության գծակարգը:



Վերջում հավելենք, որ **ի**-ով վերջացող մի քանի միավանկ բառեր հնչյունափոխության չեն ենթարկվում:

Դրանք են՝ *ձի – ձիուկ, ձիատեր, ձիարշավարան*

դի – դիակ, դիակապուտ, դիակառք

թի – թիակ, թիականման

լի – լիություն, լիանալ, լիաբուռն

մի – միություն, միակամ²

Մաս 3 Ու ձայնավորի հնչյունափոխությունը

Այս ձայնավորի հնչյունափոխությունը ուսուցանելիս դարձյալ աշակերտներին հանձնարարում եմ աշխատել տեքստի վրա: Ընտրում եմ Գեղամ Սարյանի «Կարոտ» բանաստեղծությունը և պահանջում եմ գտնել և դուրս գրել բառեր, որոնց մեջ **ու**-ն

² Յուրի Ավետիսյան, Հ.Զաքարյան – Հնչյունաբանություն, էջ 77

հնչյունափոխվել է կամ կարող է հնչյունափոխվել: Նախորդ ձայնավորների հնչյունափոխությանը անցնելիս փորձ ենք ձեռք բերել և սիրով աշխատում են: Տալիս եմ 3 բույն ժամանակ: Դուրս եմ գրում հետևյալ բառերը՝ *տուն, արթուն, անքուն, գարուն, ջրեր, առու, մամուռ, մանուկ, մանկանալ, իրիկուն, քուն*:

Մտագրոհի միջոցով խմբավորում ենք ըստ հնչյունափոխության ձևի: Մտացվում է հետևյալը.

ա/ *տուն – տնային, տնական /ու > ը/*

ջուր – ջրեր /ու > ը/

քուն – քնել /ու > ը/

բ/ *արթուն – արթնանալ /ու ↑/*

գարուն – գարնանային /ու ↑/

մամուռ – մամռոտել /ու ↑/

մանուկ – մանկություն /ու ↑/

իրիկուն – իրիկնադեմ /ու ↑/

գ/ *առու – առվակ /ու > վ/*

Ավելացնում ենք բառեր՝ *ձու – ձվածեղ*

թթու – թթվահամ /ու > վ/

լեզու – լեզվանի /ու > վ/

ուրու – ուրվական /ու > վ/

մեղու – մեղվանոց /ու > վ/

Լրացուցիչ գրատախտակին գրում եմ «երկու» բառը և հանձնարարում եմ կազմել նոր բառեր: Աշակերտները կազմում են հետևյալ բառերը.

երկրորդ /ու ↑/

երկհարկանի /ու ↑/

երկհնչյուն /ու ↑/

երկանիվ /ու ↑/

երկակի /ու ↑/

Այսինքն՝ բառավերջի բաց վանկի **ու**-ն սղվում է: Գրատախտակին դարձյալ գրում եմ հետևյալ բառերը և հանձնարարում եմ գտնել, թե ինչ է տեղի ունեցել.

թեկնածություն

քսություն

հոգաբարձություն

Այսպիսի աշխատանքները զարգացնում են աշակերտի տրամաբանությունը և մտածողությունը: Առաջարկում եմ գտնել այդ բառերի արմատները: Դրանք են՝

թեկնածու

քսու

հոգաբարձու

Ուշադիր դիտելով գտնում եմ, որ **ու** ձայնավորը սղվել է, ավելացել **ություն** ածանցը:

Անդրադառնում եմ բառակազմում **ու**-ով սկսվող ընդամենը 3 բառերի հնչյունափոխությանը՝

ումպ – ըմպել, ըմպանակ /ու > ը/

ունդ – ընդդեմ /ու > ը/

ունչ – ընչաքաղց /ու > ը/

Իմ հաջորդ առաջադրանքը լինում է հետևյալը. տրված բառերով կազմել այնպիսի բառեր, որոնց մեջ **ու**-ն չհնչյունափոխվի: Եվ տեսնում ենք, որ նույն բառը մի տեղ հնչյունափոխվում է, մի այլ տեղ չի հնչյունափոխվում /ինչը տեսել էինք նաև մյուս ձայնավորների հնչյունափոխությունը անցնելիս/: Գրում եմ հետևյալ բառերը՝ *երկու, հուր, թուխ, տուն* և այլն:

Իմ օգնությամբ կազմում ենք հետևյալ բառերը.


երկու – երկուական, լուռ – լուռումունջ

հուր – հուրհեր, սուտ – սուտասան

թուխ – հացթուխներ, մուտք – մուտքագրել

տուն – մեծատուններ, տունդարձ

Հաջորդ դասին ամրապնդում եմ անցածը և կազմում ենք **ու**-ի հնչյունափոխության գծակարգը:



Իբրև տնային աշխատանք հանձնարարում եմ գրել շարադրություն «Բնության գրկում» վերնագրով՝ օգտագործելով հետևյալ բառերը. *նռենի, տնկի, ձկնորս, ծաղկեփնջեր, երեսնամյա, անասնապահ, աշնանացան, օղաշուական:*

Հանձնարարում եմ նաև լեզու, սուտ, ձուկ, ջուր, գլուխ բառերով գրել դարձվածքներ՝ օգտվելով բառարաններից:

Մաս 4 Ը ձայնավորի հնչյունափոխությունը

Ը ձայնավորի հնչյունափոխությունը ըստ էության տարբերվում է բոլոր ձայնավորների հնչյունափոխությունից: Գիտենք, որ հնչյունափոխության պատճառը ձայնավորի՝ շեշտից գրկվելն է: Հինգերորդ դասարանի դասագրքում նշվում են միայն այն բառերը, որոնք համարվում են մեկուկես վանկանի բառեր, կամ դրանք երկվանկանի այն բառերն են, որոնց երկրորդ վանկը գաղտնավանկի ք-ն է, որը չի շեշտվում, ուրեմն ք-ի սղվելը այդ բառերում շեշտից գրկվելը չէ: Այդ բառերը հիմնականում կամ գոյականներ են կամ ածականներ:

Գոյականներ

*սանր
աստղ
արկղ
դուստր
ուստր
մեղր
ազդր
կայսր
անգղ
գամփռ
հյուսն
տետր
վագր*

Ածականներ

*մանր
կարծր
թանձր
բարձր
համր
փոքր
քաղցր
ցածր*

եզր
ստեղն
տեզր

Բառավերջի **ը** գաղտնավանկը սղվում է հիմնականում այն դեպքում, երբ ավելացող բաղադրիչը սկսվում է ձայնավորով: Մի քանի բառերում էլ սղվում է, երբ **յ** կիսաձայնով է ավելանում վերջնաբաղադրիչը:

Օրինակ՝ <i>ա՛ստ/ը/դ - աստղայի՛ն</i>	<i>մա՛ն/ը/ր - մանրո՛ւք</i>
<i>ա՛րկ/ը/դ - ակղի՛կ</i>	<i>կա՛րծ/ը/ր - կարծրատի՛պ</i>
<i>դո՛ւստ/ը/ր - դստրի՛կ</i>	<i>թա՛նձ/ը/ր - թանձրություն՛ն</i>
<i>մեղ՛/ը/ր - մեղրածո՛ր</i>	<i>փո՛ք/ը/ր - փոքրի՛կ</i>
<i>կա՛յս/ը/ր - կայսրուհի՛</i>	<i>քա՛ղց/ը/ր - քաղցրի՛կ</i>
<i>հյո՛ւս/ը/ն - հյուսնություն՛ն</i>	<i>ցա՛ծ/ը/ր - ցածրի՛կ</i>
<i>ե՛զ/ը/ր - եզրագի՛ծ</i>	<i>հա՛մ/ը/ր - համրություն՛ն</i>
<i>ստե՛ղ/ը/ն - ստեղնաշա՛ր</i>	

ինչպես նաև՝ *բա՛րձ/ը/ր - բարձրյա՛լ*
ա՛նձ/ը/ն - միանձնյա՛

«Սա ն/ը/ր» բառում **ը**-ն կարող է ն՝ սղվել, ն՝ չսղվել:

Օրինակ՝ *սանրել ը՛* ↑

սան/ը/րվածք - ը-ն պահպանվեց

«Ակ/ը/ն» բառում **ը**-ն ն՝ սղվում է ն՝ չի սղվում՝

ակ/ը/ն - ակնոց, ակնապիշ /ը՛ ↑,

բայց՝ *ակ/ըն/դետ, ակ/ընկալել* բառերում **ը**-ն պահպանվեց:

Իսկ «ունկ/ն/» բառում **ը**-ն ընդհանրապես չի սղվում՝ *ունկ/ը/նդրել, ունկ/ը/նդիր...* Այս բառում ձայնավորով սկսվող վերջնաբաղադրիչ չի ավելանում: Իսկ որոշ բառերում **և** հոդը դուրս է ընկնում և բնականաբար ը չի լսվում՝ *ունկեր, ունկավոր:*

Այժմ ուշադրություն դարձնենք հետևյալ փաստին: Արդեն ասվել է այն մասին, որ **ը** ձայնավորը թույլ է և չի շեշտվում: Բայց **ը**-ն շեշտվում է այն բնաձայնական բառային

միավորներում, որտեղ միակ ձայնարար հնչյունը **ք**-ն է և գրվում է: Այսպես՝ *գը՛ռռ, չը՛ռռ, դը՛խկ, շը՛խկ...* Երբեմն շեշտի փոխարեն դրվում է երկարացման նշան՝ *խը՛ 22, թը՛ 22* և այլն:

Երբ սրանցից կազմում ենք գոյական կամ բայ, **ք**-ն լսվում է, բայց չի գրվում, բնականաբար չի շեշտվում:

Օրինակ՝ *գը՛ռ – գռգռա՛լ, գռգռո՛ց*
չը՛ռռ – չռչռա՛լ /չռռա՛լ/, չռչռո՛ց
խը՛ 22 – խշշա՛լ /խշխշա՛լ/, խշխշո՛ց
դը՛խկ – դխկո՛ց, դխկա՛լ
շը՛խկ – շխկո՛ց, շխկա՛լ և այլն:

Ամփոփենք – Այս բառերում **ք**-ի հնչյունափոխություն տեղի չունեցավ, մենք տեսանք, որ այն կամ գրվում է, կամ չի գրվում: Այս դեպքը ուսուցանելիս ավելի շատ ուսուցչի առջև դրվում է ուղղագրության ամրապնդում: Այս կանոնը անհրաժեշտ է իմանալ նաև տողադարձ անելիս, որտեղ **ը**-ն կգրվի՝

դխկոց – դըխ- կոց
շխկոց – շըխ-կոց
դմփոց – դըմ-փոց
թմփոց – թըմ-փոց և այլն

Ը ձայնավորի հնչյունափոխության հետ կապված ուզում եմ անդրադառնալ ևս մեկ դեպքի: Խոսքը վերաբերում է միավանկ այն բառերին, որոնք գրաբարում արտասանվում էին **ւ** հոդով, և որից առաջ լսվում էր **ք** հնչյունը: Դրանք են՝ *մո՛ւկ/ը/ն, ձո՛ւկ/ը/ն, ծո՛ւնկ/ը/ն, գա՛ո/ը/ն, է՛գ/ը/ն, ծո՛ո/ը/ն, թո՛ո/ը/ն, ձե՛ո/ը/ն, ո՛տ/ը/ն, կո՛ո/ը/ն. հա՛րս/ը/ն* և այլն:


Եվ ահա, երբ այս բառերին վերջնաբաղադրիչ ենք ավելացնում, **ւ**-ից առաջ լսվող **ք**-ն սղվում է:

Օրինակ՝ *մկնիկ, ձկնորս, գառներ, հարսներ* և այլն:

Նկատենք, որ երբեմն էլ **ք**-ն պահպանվում է՝ *ձկ/ը/նկուլ, մկ/ը/նդեղ, ոտ/ը/նլվա, ձեռ/ը/նբաց, ձեռ/ը/նպահ...*

Այս ամենը 5-րդ դասարանում ուսուցանելը չափազանց դժվար կլինի, ինչպես նաև այդքան ժամաքանակ չի նախատեսված: Քանի որ ուսուցչին թույլատրվում է երբեմն շեղվել տրված ժամաքանակից, մեկ ժամի փոխարեն կարելի է անցնել երկու ժամով՝ օգտվելով կրկնության համար նախատեսված ժամերից:

Ը ձայնավորի հնչյունափոխության գծակարգը կլինի այսպես՝



Մաս 5

Անդրադառնանք նաև ա և ը ձայնավորների հնչյունափոխությանը: Այս ձայնավորների հնչյունափոխության մասին դասագրքերում ընդհանրապես որևէ խոսք չկա: Ճիշտ է, այնքան էլ շատ բառեր չկան, որոնց մեջ ա և բառամիջի օ/ը ձայնավորները հնչյունափոխվում են, բայց և այնպես կան: Ես գտնում եմ, որ կարելի է մեկական ժամ հատկացնել նաև այս ձայնավորների հնչյունափոխությանը և ծրագրով նախատեսել նաև սրանց ուսուցումը:

Գրատախտակին գրում եմ հետևյալ բառերը և առաջարկում եմ դրանցով կազմել նոր բառեր: Այդ բառերն են՝

քաղա՛ք, կոճա՛կ, առա՛ջ, պատա՛ռ:

Եթե դժվարանում են, օգնում եմ, լրացնում: Կազմում ենք հետևյալ բառերը.

քաղա՛ք – քաղքենի՛ – ա↑

կոճա՛կ – կոճկե՛լ – ա↑

առա՛ջ – առջև՛ – ա↑

պատա՛ռ – պատռե՛լ – ա↑

Հանձնարարում եմ կազմել նախադասություններ:

Հաջորդ վարժությունը վերաբերում է այն բանին, երբ ա-ն դառնում է ը:

Գրատախտակին գրում եմ հետևյալ բառերը և հանձնարարում կազմել նոր բառեր՝ *կա՛րճ, շա՛ղ, պատառ*: Կազմում ենք հետևյալ բառերը՝

կա՛րճ – կրճա՛տ /ա > ը/

շա՛ղ – շղա՛րջ /ա > ը/

պատա՛ռ – պատռվե՛լ /ա > ը/

Հաջորդ վարժությամբ իմ տված բառերից առաջարկում եմ կազմել կցական բարդություններ, որտեղ արմատը կրկնվում է: Այդ բառերն են՝ *ծա'կել, վա'զել, կա'պել, թա'փել*:

Եթե դժվարանում են, հուշում եմ բարդ բառերի տեսակները, և միասին կազմում ենք հետևյալ բարդ բառերը.

ծակել – ծածկ/ը/վել /ա > ը/

վազել – վազվ/ը/զել /ա > ը/

կապել – կապկ/ը/պել /ա > ը/

թափել – թափթ/ը/փել /ա > ը/

Աշակերտների ուշադրությունը հրավիրում եմ այն բանին, որ այս բայերում ա ձայնավորը չի շեշտված, բաց կրկնված արմատում ա-ն դարձել է ը:

Այնուհետև այս բոլոր բառերով կազմում ենք այնպիսի բառեր, որտեղ ա-ն չի հնչյունափոխվում, երբ շեշտից զրկվում է:

Օրինակ՝ *քաղա'ք – քաղաքայի'ն /պահպանվում է/*

կոճա'կ – կոճակաման

առա'ջ – առաջնո'րդ, առաջնայի'ն

շա'ղ – շաղո'տ

կա'րճ – կարճատե'ս, կարճանա'լ

վա'զ/ք/ – վազա'նց

կա'պ – կապոց

թա'փ – թափո'ն

պատա'ն – պատառոտե'լ

ծա'կ – ծակոտկե'ն

Ա ձայնավորը ընդհանրապես կայուն է, հեշտությամբ չի հնչյունափոխվում: Գրում ենք բազում բառեր, որտեղ պահպանվում է. *ամա'ն, դարա'կ, պարա'ն, պահարա'ն, հա'ց, բա'կ* և այլն:

Իհարկե, մենք անդրադառնում ենք բարբառային կամ առօրյա-խոսակցական ձևերին, որտեղ ա-ն հնչյունափոխվում է *քաղքըցիք /ա ↑/, ծրկուծուկ /ա > ը/* և այլն:

Ուզում եմ խոսել «արքա» բառի մասին, որտեղ բառավերջի բաց վանկի ա-ն սղվում է հետևյալ բառերում՝

արքա' – արքենի' /արքային վայել/

արքա՛ – արքունի՛ք

արքա՛ – արքունակա՛ն

արքա՛ – արքարժա՛ն

Ա-ն նաև պահպանվում է՝ արքայակա՛ն, արքայի՛, արքայաբա՛ր և այլն: Թերևս **ա**-ի հնչյունափոխություն կա «դժնի» բառում /դաժան/³:

Ըստ Աճառյանի այս բառը պահլավերենից է վերցված «*դուաժ*» բառն է, բացատրվում է «*չար*» իմաստով: Սրանից է դժնիկ բառը, որը նշանակում է սուր փշերով բույս, նաև նշանակում է չար մարդ՝ դաժան: Ուրեմն ենթադրվում է, որ «դժնի» բառը դաժան է նշանակում՝ ի ածանցի ավելացումով, և որի մեջ հնչյունափոխության է ենթարկվել **ա** ձայնավորը:

Մաս 6

Խոսենք նաև բառամիջի **օ/ո/** ձայնավորի հնչյունափոխության մասին: Դարձյալ քիչ բառեր կան, որտեղ **ո**-ն հնչյունափոխվում է, բայց կան: Դրանք այնպիսի բառեր են, որոնք մենք ամեն օր օգտագործում ենք մեր խոսքում: Ցանկալի կլինի, որ **ո**-ի հնչյունափոխությունը մտցվի դպրոցական ծրագիր:

Գրատախտակին գրում են հետևյալ բառերը՝ *մո՛տ, օրո՛ր, կոտո՛ր*, և դրանցով մտազրոհի միջոցով փորձում ենք նոր բառեր կազմել: Աշակերտները շատ արագ գրում են և «օրորոց» բառ, և «օրրան» բառը, որից էլ կազմում են նաև «բնօրրան» բառը: Կազմում ենք հետևյալ բառերը.

մո՛տ – մտերիմ, մտերմի՛կ /ո > ր/

կոտո՛ր – կոտրվե՛լ, կոտրվա՛ծք /ո > ր/

Հաջորդ վարժությամբ կազմում ենք այնպիսի բառեր, որոնց մեջ **ո**-ն պահպանվում է՝

մո՛տ – մոտակա՛, մոտակա՛յք

օրո՛ր – օրորո՛ց, օրորոցայի՛ն

կոտո՛ր – կոտորա՛կ – կոտորակայի՛ն

Ո-ն սղվում է հետևյալ բառերում՝

օրո՛ր – օրրա՛ն

կոտո՛ր – կոտրե՛լ


³ Հր. Աճառյան, 1-ին հատոր, Արմատական բառարան, էջ 663

Ամրակայելու նպատակով հանձնարարում էմ այդ բառերով կազմել նախադասություններ, ցանկացողները կազմում են տեքստ:


Նմանատիպ աշխատանքները աշակերտների մեջ մեծ հետաքրքրություն են առաջացնում, և սիրով կատարում են:

Ճիշտ է u-ի հնչյունափոխությամբ բառեր ավելի քիչ կան, բայց կան, և պատահում է, որ երբեմն որոշ աշակերտներ նկատում են և հարց են տալիս /ինչը շատ ուրախալի է/:

Կազմում ենք նաև u ձայնավորի հնչյունափոխության գծապատկերը:



Կազմում ենք նաև n ձայնավորի հնչյունափոխության գծապատկերը:



ՉԱՅՆԱՎՈՐՆԵՐԻ ՀՆՉՅՈՒՆԱՓՈԽՈՒԹՅԱՆ ԱՂՅՈՒՍԱԿ

Հնչյունափոխ Չայնավորներ	Չայն սկսվող միավանկ բառերում	Փակ վանկի միավանկ բառերում	Բազմավանկ բառերում	Բառավերջում	Բազմավանկ բառերի վերջ. փակ վանկ.	Բազմավանկ բառերի վերջ. բաց վանկ	Բաց վանկի ի-ն սկ ածանց առ.	Բազմ. բառերի փակ վանկում
է/ե/	ի	ի	ի	-	↑	-	-	-
ի	ը	ը	ը	ի+ա = ե	↑	↑	յ	-
ու	ը	ը	ը	վ	↑	վ	-	-
ը	-	-	↑	-	ը	-	-	
ա	-	-	ը	↑	↑	↑	-	-
ո	-	ը	↑	-	-	-	-	-

Ինչպես արդեն ասվել է, բոլոր ձայնավորներն էլ շեշտից զրկվելով, նաև պահպանվում են:

Մեր ուժերով կազմած այս աղյուսակը մշտապես պահվում է աշակերտի մոտ և հարկ եղած դեպքում դրանից կարելի է օգտվել:

Գրականության ցանկ

- 1 Յուրի Ավետիսյան, Հ.Զաքարյան – Հնչյունաբանություն, էջ 72
- 2 Յուրի Ավետիսյան, Հ.Զաքարյան – Հնչյունաբանություն, էջ 77
- 3 Հր. Աճառյան, 1-ին հատոր, Արմատական բառարան, էջ 663
- 4 Հր. Աճառյան, 1-ին հատոր, Արմատական բառարան
- 5 Յուրի Ավետիսյան, Հ.Զաքարյան – Հնչյունաբանություն,
- 6 ՀՀ Հանրագիտարան